



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

## **ODLUKA**

**O DAVANJU SAGLASNOSTI ZA POTPISIVANJE SPORAZUMA O POSTAVLJANJAU  
DVA (2) JARBOLA SA ZASTAVOM GRADA SARAJEVA I OLIMPIJSKOM ZASTAVOM  
NA ULAZU U GRAD SARAJEVO – ISTOČNI ULAZ  
(Prijedlog)**

**Predlagač:** Gradonačelnica  
**Obradivač:** Stručna služba  
gradonačelnice Grada Sarajeva

**Sarajevo, novembar 2021. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada na \_\_. sjednici, održanoj dana \_\_. \_\_. 2021. godine, donijelo je

**(Prijedlog)**

### **Odluku**

**o davanju saglasnosti za potpisivanje Sporazuma sa Gradom Šanliurfa, Republika Turska, o postavljanju dva (2) jarbola sa za zastavom Grada Sarajeva i Olimpijskom zastavom na ulazu u Grad Sarajevo – Istočni ulaz**

#### **Član 1.**

(Predmet)

Ovom odlukom Gradsko vijeće Grada Sarajeva daje saglasnost gradonačelnici Grada Sarajeva za potpisivanje Sporazuma sa Gradom Šanliurfa, Republika Turska, o postavljanju dva (2) jarbola sa za zastavom Grada Sarajeva i Olimpijskom zastavom na ulazu u Grad Sarajevo – Istočni ulaz.

#### **Član 2.**

(Način realizacije)

Grad Šanliurfa, Republika Turska, Gradu Sarajevo će donirati dva (2) jarbola visine 25 metara, a obaveza Grada Sarajeva će biti nabavka dvije zastave iz tačke 1. Odluke.

#### **Član 3.**

(Sredstva)

Sredstva za realizaciju projekta obezbjedit će se Budžetu Grada Sarajeva za 2021. godinu, pozicija 614400 – Održavanje komunalnih objekata.

#### **Član 4.**

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

Broj:  
Sarajevo:

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće donosi odluke, druge propise i opće akte i daje njihovo tumačenje.

### **RAZLOZI DONOŠENJA**

Tokom zajedničkog sastanka koji je održan sa predstavnicima Grada Šanliurfa, Republika Turska, jedna od tema bila je iznalaženje mogućnosti, odnosno konkretni projekti u vezi sa kojima ovaj Grad može pružiti podršku Gradu Sarajevo.

Grad Šanliurfa iskazao je spremnost da u cilju realizacije projekta postavljanja jarbola sa zastavom Grada Sarajeva i Olimpijskom zastavom, donira Gradu Sarajevo dva (2) jarbola visine 25 m, a čija ukupna vrijednost iznosi cca 100.00,00 KM.

Obzirom da je u prethodnom periodu postojala namjera postavljanja određenih obilježja (zastava) na ovaj ulaz u grad Sarajevo, smatra se da je postavljanje Olimpijske zastave uz zastavu Grada Sarajeva opcija koja na najbolji način predstavlja sliku našeg Grada kao Olimpijskog grada u kojem su održane 14. Zimske olimpijske igre, od 08. do 19. februara 1984. godine.

Prema tvrdnjama mnogih, ovo su bile do tog perioda jedne od bolje organizovanih ZOI u koje je ovaj Grad uložio sva znanja kojima raspolaže, a širinom našeg sarajevskog srca i plemenite duše bili smo više nego odlični domaćini sportistima i gostima koji su u naš grad pristigli iz svih krajeva svijeta.

Također, iskrena su nadanja da će se Olimpijska zastava, pored lokacije na kojoj je njeno postavljanje predviđeno ovom odlukom, zavijoriti i na drugim mjestima, na novim ZOI, čiji će domaćin biti Grad Sarajevo.

### **FINANSIJSKA SREDSTVA**

Za realizaciju Odluke sredstva će biti obezbjeđena u Budžetu Grada Sarajeva za 2021. godinu, Pozicija 614400 – Održavanje komunalnih objekata.